



REPUBLIKA E KOSOVËS/REPUBLIKA KOSOVO/REPUBLIC OF KOSOVO



KOMUNA E GJAKOVËS
OPŠTINA ĐAKOVICA/MUNICIPALITY OF GJAKOVA

Republika e Kosovës - Republika Kosova
Komuna e Gjakovës - Opština Đakovica
Drejtoria për Punë të Përgjithshme Administrative
Uprava za Opšta, Administrativne Poslove

01 Nr./Br. 413101-17691
Data 20.06.18
Gjakovë - Đakovica - Gjakova

MEMORANDUM BASHKËPUNIMIT

NË MES

KOMUNES SË GJAKOVËS

DHE

OJQ GEORGE WILLIAMS YOUTH ASSOCIATION IN KOSOVO

Palët në Marrëveshje:

Komuna e Gjakovës, rr. Nënë Tereza nr. 469, dhe OJQ “George Williams Youth Association in Kosovo”, më pas e quajtur si “GWY” e cila është anëtare në Federatën Evropiane të YMCA njëherit organizata e parë e të rinjve në botë e themeluar më 1844 në Londër, Angli. OJQ GWY punon për fuqizimin e rinisë dhe mbrojtjen e të drejtave të tyre pa dallim feje, race, orientimi seksual, gjinie apo përkatësie politike, regjistruar në Ministrinë e Administratës Publike me numër të regjistrimit 5114389-2 dhe adresë: Rruga “Ismail Qemali” pn, Gjakovë me përfaqësuese ligjore **Znj. Dorina Davies**.

Neni 1

QËLLIMI I MEMORANDUMIT TË BASHKËPUNIMIT

Qëllimi i Memorandumit është bashkpunimi rreth implementimit të projektit “*Qendra e edukimit jo-formal për rini*” me lokacion në fshatin Pjetërshan në komunën e Gjakovës. Bashkpunimi në këtë projekt ofron një platformë dhe infrastrukturë fizike me kushte shumë të mira për zhvillim të aktiviteteve për të rinjtë dhe reja të Republikës së Kosovës përfshirë komunitetet pakicë, personat me aftësi të kufizuara, organizatat e shoqërisë civile dhe institucionet shtetërore.

Neni 2

OBLIGIMET E PALËVE

2.1. Obligimet e Komunës së Gjakovës

2.1. Komuna e Gjakovës merr përsipër këto obligime sa i përket qëllimit të këtij Memorandumi, si në vijim:

2.1.1. Te ofron asistencë teknike rreth investimeve kapitale në nivel komunal për projektin: “*Qendra e edukimit jo-formal për Rini*” me lokacion në fshatin Pjetërshan në komunën e Gjakovës, i cili do të realizohet gjatë vitit 2018.

2.1.2. Do të prioritetizoj ndertimin e rruges në vitin 2019 në fshatin Pjetërshan në komunën e Gjakovës në mënyrë që të rinjtë dhe te reja të cilët do të vijnë nga tere Kosova dhe rajoni të kenë kushte infrastrukturore të përshtatshme në të gjitha sezonat.

2.1.3. Komuna e Gjakovës bashkë me OJQ George Williams Youth Association in Kosovo do të përcjellin në vazhdimësi realizimin e Projektit dhe iniciojnë projekte të reja në sektorin e rinisë të cilat do të sjellin vëmendje rajonale Gjakovës në partneritet.

2.2 Obligimet e OJQ George Williams Youth Association in Kosovo (GWY)

2.2.1. Të bashkëpunoj me komunën rreth projektit

2.2.2 Të ofroj programe lokale dhe ndërkombëtare për të rinjtë dhe të reja të Komunës së Gjakovës.

Neni 3 ZBATIMI

Komuna e Gjakovest në bashkëpunim me GWY e përcjellin zbatimin e Memorandunit të Bashkëpunimit dhe udhëzojnë për veprimet që duhet të ndërmerren në implementimin e obligimeve në mbarëvajtjen e puneve, deri në momentin e realizimit të qëllimit të përbashkët.

Neni 4 MUNDËSIA E NDËRPRERJES SE MEMORANDUMIT DHE RRETHANAT E PAPARASHIKUARA

- 4.1. Ndërprerja e Memorandunit të Bashkëpunimit bëhet më marrëveshje ndërmjet palëve.
- 4.2. Nëse implementimi duhet të ndërpritet për shkak të ndodhjeve të fuqisë mbinatyrore – Vis major dhe rrethanave tjera të pa parashikuara, palët do të vendosin bashkërisht dhe në konsultim me palët tjera relevante për veprimet që duhet të ndërmerren.

Neni 5 AFATI I REALIZIMIT

Ky Memorandum i Bashkëpunimit fillon me 19 Qershor 2018 dhe përfundon me 19 Qershor 2022, me mundësi vazhdimi.

Neni 6 AMANDAMENTIMI

Ky Memorandum Bashkëpunimi mund të ndryshoj apo plotësohet sipas një Marrëveshje me shkrim midis palëve. Përveç kësaj, çfarëdo aspekti apo kushti i caktuar që nuk është theksuar në këtë MB, për të cilat palët do të pajtohen për të hyrë në MB në të ardhmen, apo në një amendament të këtij MB-je, të nënshkruar nga palët e kësaj Marrëveshje do të konsiderohen si të integruara në këtë dokument.

Neni 7 ZGJIDHJA NË RAST TË MOSMARRËVESHJEVE

Palët do të përpiqen që mosmarrëveshjet t'i zgjidhin me bisedime, mirëpo nëse nuk mund të arrijnë mirëkuptim, atëherë në rast të mosmarrëveshjes, kompetente për zgjidhjen e saj është Gjykata Themelore në Gjakovë që ka kompetencë të zgjidh rastet e tilla.

Neni 8
KOPJET DHE GJUHËT E MEMORANDUMIT


Ky Memorandum i Bashkëpunimit është përpiluar në dy (2) kopje origjinale në gjuhën shqipe. Secila palë do ta ketë nga një kopje origjinale të nënshkruar.

Neni 9
HYRJA NË FUQI

Ky Memorandum Bashkëpunimi hyn në fuqi në datën e nënshkrimit nga palët.


Ardian GJINI,
Kryetar i Komunes

Komuna e Gjakovës



Dorina DAVIES,
Drejtoreshë

George Williams Youth Association
in Kosovo



Nënshkruar në Gjakovë, me datë 20/06/2018